

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0059824 25
Zenica, 06.01.2026. godine

**OPĆINSKOM SUDU U KAKNJU
-Sudiji za prethodno saslušanje-
KAKANJ**

Na osnovu člana 45. stav 2. tačka i) u vezi sa članom 241. Zakona o krivičnom postupku F BiH, p o d i ž e m

O P T U Ž N I C U

Protiv:

M. A., ..., neosuđivan, zastupan po braniocu Tomaš Slaveni, advokatu iz Zenice,
što je,

dana 29.07.2024. godine oko 19,35 sati, u Kaknju u ulici ... u neposrednoj blizini objekta ..., svjestan svojih radnji što je i htio, pa je tako pokušao silom spriječiti službene osobe u izvršavanju službenih radnji, na način dok je upravljao motornim vozilom-četverotočkašem primijećen je od strane policijskog službenika da prilikom vožnje koristi mobilni telefon i da upravlja bez kacige, dao mu znak da se zaustavi što je ovaj i učinio, te se obratio policijskom službeniku H. A.: „Šta me zaustavljaš, ne dam ti dokumente, p* jedna“, pa kad mu je saopštio da narušava javni red i mir i da prestane sa omalovažavanjem i vrijeđanjem njega kao službene osobe, zatražio dokumenta na uvid, vozačku i potvrdu o registraciji vozila, na šta se A. oglušio, da bi u tom momentu na lice mjesta došao i pomoćnik komandira Č. D. rekavši: „M. odmah da si dao dokumente na uvid policijskom službeniku“, na šta se isti ponovo oglušio, zatim pomoćnik komandira Č. D. izdao naredbu da se lice privede u PS Kakanj radi obavljanja službene radnje zbog utvrđivanja identiteta i kontrole vozača, jer se po gestikulacijama i govoru zaključilo da je pod dejstvom alkohola, i kada je policijski službenik H. A. pristupio lišenju slobode isti je pružao aktivan otpor, odbijajući da siđe sa četverotočkaša, odmahivao rukama, pa kad je to vidio policijski službenik K. F., pomogao je H. da stave pod kontrolu M. A. koji je i dalje pružao aktivni otpor kojom prilikom je policijskog službenika K. F. uhvatio i stiskao rukama za rame i nadlakticu, vukao ga prema zemlji pokušavajući da ga obori kojom prilikom mu je pocijepao majicu i nanio mu laku tjelesnu ozljedu u vidu nagnječenja lijevog ramena i nadlaktice, da bi na kraju policijski službenici lišili slobode M. A.,

dakle, upotrebom sile pokušao spriječiti službene osobe u vršenju službene radnje,

čime je učinio krivično djelo Sprečavanje službene osobe u vršenju službene radnje iz člana 358. stav 2. a sve u vezi sa članom 28. KZ F BiH.